



Na osnovu člana 2.19 stav (17) Izbornog zakona Bosne i Hercegovine („Službeni glasnik BiH“ br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 18. Poslovnika Centralne izborne komisije Bosne i Hercegovine ("Službeni glasnik BiH", broj 29/18), a u vezi odredbi Pravilnika o utvrđivanju kvalifikacija i postupku imenovanja članova biračkih odbora („Službeni glasnik BiH“, broj 29/18), Centralna izborna komisija Bosne i Hercegovine je na 48. sjednici, održanoj 05.09.2018. godine, donijela

ODLUKU
o visini naknade za rad biračkih odbora u Bosni i Hercegovini na provođenju
Općih izbora 2018. godine

Član 1.
(Predmet)

(1) Ovom odlukom utvrđuje se visina naknade za rad biračkih odbora u Bosni i Hercegovini na provođenju Općih izbora 2018. godine, kako slijedi:

a) Redovna biračka mjesta

1) predsjednik	110 KM
2) član	80 KM
3) zamjenik predsjednika - angažovan na dan provođenja izbora	55 KM
4) zamjenik člana - angažovan na dan provođenja izbora	30 KM
5) zamjenik predsjednika/člana - nije angažovan na dan provođenja izbora a prošao obaveznu obuku	20 KM

(2) U slučaju da predsjednik, odnosno član biračkog odbora je spriječen da dođe na biračko mjesto na dan održavanja izbora, zamjenik predsjednika, odnosno zamjenici članova biračkih odbora se angažuju za rad biračkog odbora i imaju pravo na naknadu u visini naknade iz tačke a) alineja 1), odnosno alineja 2), a predsjednik, odnosno član biračkog odbora u visini naknade iz alineje 5).

(3) U slučaju da predsjednik, odnosno član biračkog odbora moraju iz opravdanih razloga napusti biračko mjesto u toku rada na dan održavanja izbora, zamjenik predsjednika, odnosno zamjenici članova biračkih odbora se angažuju za rad biračkog odbora i imaju pravo na naknadu u visini naknade iz tačke a) alineja 3), odnosno alineje 4).

b) Mobilni timovi i biračka mjesta za glasanje u odsustvu/nepotvrđena biračka mjesta

1) predsjednik	80 KM
2) član	60 KM
3) zamjenik predsjednika angažovan na dan izbora	40 KM
4) zamjenik člana koji je angažovan na dan izbora	25 KM
5) zamjenik predsjednika/člana koji nije angažovan na dan izbora a prošao obaveznu obuku	20 KM

U slučaju da predsjednik, odnosno član biračkog odbora je spriječen da dođe na biračko mjesto na dan održavanja izbora, zamjenik predsjednika, odnosno zamjenici članova biračkih odbora se angažuju za rad biračkog odbora i imaju pravo na naknadu u visini naknade iz tačke b) alineja 1), odnosno alineja 2), a predsjednik, odnosno član biračkog odbora u visini naknade iz alineje 5).

(3) U slučaju da predsjednik, odnosno član biračkog odbora moraju iz opravdanih razloga napusti biračko mjesto u toku rada na dan održavanja izbora, zamjenik predsjednika, odnosno zamjenici članova biračkih odbora se angažuju za rad biračkog odbora i imaju pravo na naknadu u visini naknade iz tačke b) alineja 3), odnosno alineje 4).

Član 2.
(Rad zamjenika predsjednika i članova biračkog odbora)

Visina naknada za zamjenike predsjednika i članova biračkog odbora je utvrđena u članu 1. ove odluke pod pretpostavkom da će zamjenici predsjednika i članova biračkog odbora biti angažovani na dan izbora 1/3 vremena rada biračkog odbora, o čemu odlučuje predsjednik biračkog odbora u dogovoru sa članovima biračkog odbora i izbornom komisijom osnovne izborne jedinice.

Član 3.
(Evidencija o radu biračkog odbora)

(1) Birački odbori su obavezni da dostave evidenciju rada biračkih odbora sa potpisima predsjednika, članova biračkih odbora, kao i zamjenika predsjednika, odnosno zamjenika članova koji su angažovani na dan izbora.

(2) Evidencije rada biračkih odbora iz stava (1) ovog člana su sastavni dio aplikacije „Integrisani izborni informacioni sistem, modul o vođenju evidencije o izbornim tijelima“.

Član 4.
(Finansiranje)

Sredstva iz člana 1. ove odluke osigurana su u Budžetu Centralne izborne komisije Bosne i Hercegovine za 2018. godinu - program posebne namjene- Opći izbori 2018. godine.

Član 5.
(Stupanje na snagu)

Ova odluka stupa na snagu danom donošenja.

Broj: 07-1-07-1-842-2/18
Sarajevo, 05.09.2018. godine

Dostavljeno:

1. Sektor za finansijske i opće poslove
2. a/a



Zamjenjuje predsjednicu

Stjepan Mikić, član